

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 420068970001; Carinski broj 200068970001
RACUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	5 01	3789

Strana:
1 od 1

Broj protokola: 05-1-25-1-753-17/25.

JAVNO

DATUM: 12.06.2025. godine

PRIMALAC:

- HSH CHEMIE d.o.o. Zagreb, Hrvatska
- PROVIRON FUNCTIONAL CHEMICALS N.V., Belgija
- Grupa ponuđača: KILFROST EUROPE N.V. Belgija (predstavnik grupe) i BRENNTAG HRVATSKA d.o.o. Zagreb (član grupe)

PREDMET: Obavijest o izboru najpovoljnije ponude u postupku nabavke robe:
– Fluid za odleđivanje i zaštitu od zaleđivanja zrakoplova

VEZA: Naš broj: 753/25

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14, 59/22 i 50/24), a nakon okončane procedure prikupljanja ponuda za nabavku robe: Fluid za odleđivanje i zaštitu od zaleđivanja zrakoplova, provedene metodom Otvoreni postupak, obavještavamo vas da je Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, kao najpovoljnija, odnosno jedina prihvatljiva ponuda, ocijenjena ponuda ponuđača HSH CHEMIE d.o.o. Zagreb, Republika Hrvatska.

S poštovanjem,

v. d. DIREKTOR-a

Sanin Ramezić

Prilog: Odluka o prihvatanju ponude;

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dopis, 1. izdanje/Rev 0



Tel: Fax: E-mail:

INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opoc@sarajevo-airport.ba
WEB	www.sarajevo-airport.ba	/	/

**U P R A V A**

Strana: 1 od 2

Broj protokola: *05-1-25-1-753-16/25.*

JAVNO

Datum: 12.06.2025. godine

Na osnovu člana 70. Zakona o javnim nabavkama („Službeni glasnik BiH“, broj 39/14, 55/22 i 50/24), odnosno člana 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, člana 45. Statuta J.P. Međunarodni aerodrom „SARAJEVO“ d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Fluidi za odleđivanje i zaštitu od zaleđivanja zrakoplova, broj: 05-3-25-1-753-15/25 od 09.06.2025. godine, Uprava J.P. Međunarodni aerodrom „SARAJEVO“ d.o.o. Sarajevo, na 36. sjednici, održanoj 12.06.2025. godine, donijela je

ODLUKU**I**

Za nabavku robe: Fluid za odleđivanje i zaštitu od zaleđivanja zrakoplova, prihvata se ponuda ponuđača HSH CHEMIE d.o.o. Zagreb, Republika Hrvatska, broj: 25-014-000107, zavedena na protokol Naručioca dana 16.05.2025. godine, pod brojem: 02-4-25-1-753-4/25, u iznosu od: 2.526.717,21 KM (slovima: dvamilionapetsto dvadesetšesthiljadasedamstosedamnaest i 21/100 KM), bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o prihvatanju ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti original ili ovjerenu fotokopiju nedostajuće dokumentacije iz člana 45. stav (1) Zakona o javnim nabavkama, ne starije od 90 dana od dana dostavljanja ponude, i to uvjerenje nadležnog suda/organa kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti.

III

Po proteku rokova za reviziju, uz prethodnu dostavu uvjerenja iz tačke II, J.P. Međunarodni aerodrom „SARAJEVO“ d.o.o. Sarajevo će izabranom ponuđaču ponuditi ugovor o nabavci robe iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Fluid za odleđivanje i zaštitu od zaleđivanja zrakoplova, v.d. direktora J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-753-3/25 od 07.03.2025. god. U skladu sa naprijed navedenom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 17.03.2025. godine na portalu javnih nabavki objavilo obavještenje o nabavci, broj: 246-1-1-189-3-53/25, a dana 25.04.2025. godine i ispravku obavještenja o nabavci, broj: 246-1-1-189-8-79/25. Također, rješenjem, broj: 05-1-25-1-753-5/25 od 19.05.2025. god., imenovana je Komisija za provođenje postupka.

Do ostavljenog roka za predaju ponuda, 19.05.2025. god., na adresu Društva ponudu su dostavila tri ponuđača, i to: HSH CHEMIE d.o.o. Zagreb, Republika Hrvatska, PROVIRON FUNCTIONAL CHEMICALS N.V., Belgija i Grupa ponuđača: KILFROST EUROPE N.V. Belgija (predstavnik grupe) i BRENNTAG HRVATSKA d.o.o. Zagreb (član grupe). Na javnom otvaranju ponuda, održanom isti dan bez prisustva predstavnika ponuđača, pročitani su nazivi ponuđača i ponuđene cijene, i to:

1. HSH CHEMIE d.o.o. Zagreb: 1.291.890,00 EUR, bez PDV-a,
2. PROVIRON FUNCTIONAL CHEMICALS N.V.: 1.137.220,00 EUR, bez PDV-a i
3. Grupa ponuđača: KILFROST EUROPE N.V. i BRENNTAG HRVATSKA d.o.o. Zagreb: 996.774,84 EUR, bez PDV-a.

Nakon javnog otvaranja ponuda, Komisija se sastala radi detaljne analize istih, te je pregledom i analizom ponuda utvrdila sljedeće:

HSH CHEMIE d.o.o. Zagreb:

Nakon pregleda ove ponude, Komisija je konstatovala da je ponuda ovog ponuđača, u smislu člana 65. stav (1) Zakona o javnim nabavkama, formalno-pravno, tehnički i računski ispravna i prihvatljiva za Društvo.

PROVIRON FUNCTIONAL CHEMICALS N.V.:

Utvrđeno je da dostavljena ponuda ne ispunjava jedan od ključnih zahtjeva propisanih tenderskom dokumentacijom, te iz navedenog razloga ne može biti ocijenjena kao prihvatljiva.

Naime, u skladu sa članom 5.1 tačka I) tenderske dokumentacije, ponuđač je bio dužan dostaviti: „Originale ili ovjerene kopije certifikata o kvalitetu fluida izdate od strane ovlaštenih institucija.“, što nedvosmisleno ukazuje da dokument koji se prilaže kao dokaz mora biti:

- u formi certifikata,
- izdat od strane neovisne i ovlaštene institucije (akreditirane laboratorije, instituta, certifikacijskog tijela) i
- mora se odnositi na konkretan fluid koji se nudi u ponudi.

Vrsta dok.	Izdavač
ODL	5-01
Strana: 2 od 2	
JAVNO	

Ovaj ponuđač je u ponudi, u indeksu sadržaja i u samom tekstu ponude, naznačio da su certifikati o kvalitetu fluida dostavljeni na stranicama 69/88 i 84/88 ponude. Međutim, uvidom u navedene stranice, kao i cjelokupan priloženi materijal, Komisija je konstatovala da dostavljena dokumentacija ne predstavlja certifikate o kvalitetu, niti da je izdata od strane nezavisne i ovlaštene institucije. Dokumenti koji se nalaze na tim stranicama sastoje se od:

- Technical Data Sheet proizvođača PROVIRON,
- Uputstava za primjenu fluida,
- Uputstava za rukovanje,
- Sigurnosno-tehničkih podataka,

što su sve dokumenti koje izdaje sam proizvođač, a ne ovlaštena treća strana. Time je jasno da dokumenti nemaju karakter certifikata, jer ne predstavljaju potvrdu o kvalitetu fluida zasnovanu na nezavisnoj provjeri, niti sadrže elemente koji su tipični za validne certifikate o kvalitetu (npr. oznaku akreditacije, broj izvještaja o ispitivanju, pečat i potpis odgovornog lica nezavisne laboratorije ili instituta).

Shodno navedenom, Komisija ocjenjuje da ponuđač nije dostavio tražene dokaze u skladu sa tenderskom dokumentacijom, čime ponuda ne ispunjava obavezni uslov iz tačke 5.1. I) tenderske dokumentacije, pa je, na osnovu člana 68. Zakona o javnim nabavkama Bosne i Hercegovine, koji propisuje: „Ugovorni organ odbacuje zahtjev za učešće ili ponudu, ako kandidat/ponuđač nije dostavio tražene dokaze (...)“, ponuda ovog ponuđača odbačena kao neprihvatljiva.

Grupa ponuđača: KILFROST EUROPE N.V. i BRENNTAG HRVATSKA d.o.o. Zagreb:

Utvrđeno je da dostavljena ponuda ne ispunjava više formalno-pravnih i tehničkih zahtjeva propisanih Zakonom o javnim nabavkama i definisanih tenderskom dokumentacijom, zbog čega se ista odbacuje kao nepravilna. Naime, u skladu sa tačkom 5.2 tenderske dokumentacije, kao i članom 58. Zakona o javnim nabavkama, jasno je propisano da svaka ponuda mora biti čvrsto uvezana, a svi listovi ponude numerisani, izuzev dokaza o garanciji, kataloga, štampane literature i sl. U konkretnom slučaju, Komisija je utvrdila da ponuda predmetnog ponuđača nije bila numerisana, čime se krši jasno definisana obaveza, te se time umanjuje transparentnost, sigurnost i integritet dostavljene dokumentacije.

Također, tenderskom dokumentacijom, tačkom 5.1 pod a), propisano je da ponuda mora sadržavati popunjen, potpisan i ovjeren nacrt ugovora, gdje je najmanje obavezna preambula. Ponuđač je dostavio nacrt ugovora, ali nije popunio sve zahtijevane podatke u preambuli, konkretno: nedostaju podaci o banci, transakcijskom računu i SWIFT kodu, koji su jasno predviđeni da se unesu u za to predviđena polja. Nepotpuno popunjavanje ovog obaveznog elementa ponude predstavlja kršenje zahtjeva tenderske dokumentacije, a time i formalno-pravni nedostatak koji onemogućava pravilnu evaluaciju ponude.

Komisija je konstatovala da ponuda grupe ponuđača KILFROST EUROPE N.V. i BRENNTAG HRVATSKA d.o.o. nije izrađena u skladu sa zahtjevima tenderske dokumentacije i Zakona o javnim nabavkama, te da su ispunjeni formalno-pravni razlozi za njeno odbacivanje, jer se ne radi se o računskim greškama ili manjim tehničkim neusklađenostima koje bi mogle biti ispravljene putem zahtjeva za dodatnim pojašnjenjem, ova ponuda se, u skladu sa članom 68. Zakona o javnim nabavkama, odbacuje kao neprihvatljiva.

Za predmetnu javnu nabavku bila je predviđena e-aukcija, ali pošto je zaprimljena samo jedna prihvatljiva ponuda, ona nije održana.

S obzirom na naprijed navedeno, Komisija je utvrdila da je najpovoljnija, a ujedno i jedina prihvatljiva ponuda ponuđača HSH CHEMIE d.o.o. Zagreb, te je predložila Upravi Društva da se ugovor za nabavku robe: Fluid za odleđivanje i zaštitu od zaleđivanja zrakoplova, u vrijednosti od 2.526.717,21 KM, bez PDV-a, dodijeli ovom ponuđaču.

Uprava Društva je razmotrila predmetni Izvještaj i preporuku Komisije na svojoj 36. sjednici, održanoj dana 12.06.2025. godine, te je, nakon uvida u vođeni postupak, istu i prihvatila, pa je, na osnovu člana 70. Zakona o javnim nabavkama, odnosno člana 25. Pravilnika o javnoj nabavci roba, usluga i radova u donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno na protokol Društva, elektronskim putem ili preporučenom poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

V.d. DIREKTOR-a

Sanin Ramezić

Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.);
 - Služba za pravne poslove i protokol;
4. a/a